



姓韻卷二十七

武威張

澍篋



下平聲

一先

先 見姓苑

按左閔二年傳申生伐皋落氏狐突御戎先友為右梁餘
子養御罕夷先丹木為右又先軫初事文公為下軍佐五
年公伐衛取五鹿軫之謀也卻縠卒以軫將中軍穀之役
獲秦三帥狄伐箕免胄入狄死焉子且居是為蒲城伯後

受霍又為霍伯初為軍佐敗楚師於城濮後代狐毛將上
軍復將中軍敗秦師於衙子克趙盾將中軍克佐之克奪
蒯得田於董陰故夷之蒐先都箕鄭父士穀梁益耳蒯得
作亂先穀彘季也又曰彘子曰原穀事景公為中軍佐邲
之戰卻克曰二恨往矣弗備必敗穀不可後敗穀滅其
族先穀將下軍先都佐之蒐即士伯襄公卒靈公少晉人
欲立長君使先穀及彘子如秦迎公子雍趙孟背先穀立
靈公先穀奔秦先卒為胥甲之屬大夫晉放胥甲於衛而
立胥克先卒奔齊又文二年傳楚師圍江晉先僕伐楚以救江

樊毅乞復芻下民民祖田口鼻狀碑芻陰令胸忍先謹繕
治之

芻陽國志符縣吏先泥和溺死其女先絡自沈求屍泥和
子名賢按范書作叔先複姓也

梁書武帝時先鐵奉使討定夸獠立戎州為本州刺史

唐本事詩瀘州先著字渭求學博洽工詩賦著有之谿老
生詩集

四川志先汪合江人七歲日誦萬言貞元中舉孝廉退居

樂山講九經

族畧先甲龍開慶初進士先詔瀘州人登科先伯虎元祐中任廣州轉運使

氏姓謚先處良六安人洪武中以謹慎才幹聞於朝廷官通宦判後歷平陽知府先岳瀘州人宣德舉人先永義當塗

人成化二年任上杭縣丞先進貴州永寧人正德貢士

屏山縣氏有先登相澍為今日見之

先毅氏見姓纂氏族畧

先賢氏見姓纂

姓纂匈奴單于從兄日逐王先賢揮降元帝時封歸德侯

謚靖生陽侯富昌富昌子諷諷子襄襄子霸皆賜爵按功臣

表歸德靖侯先賢揮以匈奴單于從兄日逐王率眾降侯

子煬侯富昌嗣子諷嗣諷子襄嗣襄子霸坐罪除煬侯林

寶作陽侯誤顏師古云揮音纏

千

風俗通漢有蜀郡都尉千獻

集古印謚漢有千萬

唐書施浪詔望千之子千傍羅顛立後其子孫在吐蕃

陝西志千魁蒲州人任高陵知縣

統謚千萬茂州人正統中任宜山縣典史
千乘氏見姓謚

阡

唐書陳敬瑄傳中和二年邛州牙官阡能因公事避杖亡
命為盜捕盜使楊遷誘之能自出首而遷誣以禽獲被刑
甚酷遂罵楊遷發憤為盜眾數千人陳敬瑄命高仁厚破
平之邛州又捕能叔父行令等三十五人敬瑄釋之按行
令通鑑作行全

天

見莊子注

論語摘象輔天老配中台以錄教按天老黃帝臣

莊子天根遊於殷陽至蓼水之上適遭無名人而問焉曰
請問為天下無名人曰去汝鄙人也何問之不豫也予方
將與造物者為人厭則又乘夫莽眇之鳥以出六極之外
而遊無何有之鄉以處壙垠之野汝又何帛以治天下感
予之心為註天根人姓名或云湯臣

集古印謚漢有天高說

姓苑漢長社令天高魏親軍指揮使天文

按初學記梁何承天有與天公牋亦作吞音天劉謚之身

天公賤云昔申酉之際遭湯旱流烟今子亥之歲值堯水

滔天天水火延燒其廬水突壞其園何小人兮頡倫兩船由

是行無擔石室無縣磬又吞道元昇天公賤云有露車一

乘復摧折以犁轅續之左崎右嶇強弱相負倚行斫轅

吞 見風俗通

廣韻漢有吞景雲按楊慎云與天字同望出晉陽或作天

非也宜作吞景雲吞音桂見姓苑及何超晉書音晉義引

錢 見世本姓苑

論語疏老彭姓錢名鏗在商為守藏史在周為柱下史神

仙傳彭祖姓錢名鏗帝顓頊之元孫善養性能調鼎進雉

羹於堯堯封之於彭城歷夏殷周七百六十七歲而不衰

按世本錢鏗陸終氏之子女嬀所生也

堅 見姓苑

酷吏傳燕趙之間有堅盧按元后傳王翁孺為武帝繡衣

御史逐捕魏郡羣盜堅盧等

漢書光武二十八將有楊化將軍堅鐔先封潁強侯後封

合肥侯鐔字子伋按東觀記伋作皮襄城人子鴻浮雅嗣

爵

氏族畧蜀人堅峻宋堅胡常乾道三年以朝散大夫知涪州

東國通鑑契丹圖興化將軍堅一洪光高義出戰大敗之
甘肅志堅晟字伯明秦州人正德中由國子生歷知博平
縣東郡盜起東昌屬邑半不守漸逼博平人心思遁晟嚴
戒固守乃閉妻子於宅圍之以棘云賊到尔輩可自裁人
心感動盜攻五日去百姓為建生嗣遷冀州改通州通衝
而劇晟敏而直中貴迺董同知墮河晟以狀聞置中貴於
法心銜之明年以郡守罪中貴挾私波及晟謫雲南同知

尋復遷安州改寧州所至籍甚

甘肅志堅柏明岷州衛副千戶堅守愚明秦州貢生

堅昆氏見路史

肩 見姓苑

莊子肩吾得之以處天山司馬彪注肩吾山神至孔子時
不死又云肩吾見狂接輿狂接輿曰日中始何以語汝肩
吾曰告我君人者以己出經式義度人孰敢不聽而化諸
狂接輿曰是欺德也其于治天下也猶涉海鑿河而使蚩
負山也

統謚肩固江西太和人洪武中貢士

肩吾氏見氏族畧

晉袁宏集有東海太守肩吾氏

煙 見姓苑

賢 見姓苑

明史會川衛軍民指揮使嶺迷易千戶所土官賢姓其先

雲南景東爨種也徙其屬來田種洪武十六年歸附以隨

征東川芒部勞世襲副千戶居所治城外所轄爨蠻僅八

百戶

甘肅志賢宣平涼人洪熙中任順天府鄭村堤大使按余

山堂別集宣作瑄

鉉 此姓諸書無今補

四川通志鉉釗直隸拔貢康熙七年任什邡縣知縣

弦 見風俗通

左僖公三十一年傳鄭商人弦高以十二牛犒秦師

管子管仲曰決獄折言不誣無辜不殺無辜則臣不若弦

寧請置以為大理

呂氏春秋管子曰決獄折中臣不如弦章管子小匡篇弦

子旗為理按子旗弦章之字也晏子春秋景公以五十乘
魚賜弦章章歸魚車塞塗撫其御之手曰昔晏子辭賞以
正君故天下稱之今諸臣諂諛以干利吾若受魚是反晏
子之義而順諂諛之固辭不受

哀四年齊陳乞弦施衛甯跪救范氏杜注弦施即弦多也

趙稷奔臨濟施道也遂墮臨也東郭書曰三戰必死于此三矣使問弦多

以琴注弦多齊人也六年奔魯又趙稷奔臨弦施逆之遂

墮臨

墨子墨子南遊使衛關中載書甚多弦唐子見而怪之曰

吾夫子教過公尚過甚曰揣曲直而已今夫子載書甚多何也

漢儒林傳漢博士弦訢傳易

述征記弦超字義起濟北郡吏魏嘉平中有神女成公智

瓊降之超同國室疑其有姦以告監國詰問超具言之智瓊

乃絕後五年超奉使將至洛西到濟北魚山下陌上遙望

一車馬似智瓊視之果是同乘至洛克復舊好太康中仍

存但不日月往來惟三月三日五月五日七月七日九月

九日至按亦見搜神記集微弦超入泰山遇一物如獐頭

若婦人髮髻簪珥悉具歸告智瓊瓊曰此方輝也五百年

一見見者壽弦超果二百餘歲

陝西志弦尚強枝江人弘治中任盤屋縣主簿

燕 見世本左傳注

史記孔子弟子燕伋字子思秦人按家語作燕伋三賢集

云夫子適周問凡時從之道成而歸居于沂河西南山下

相傳古名魯家邨

國策趙將燕周

漢功臣表宜城戴侯燕倉以稻田使者先發覺左將軍上

官桀反謀告大司農楊敞侯安釐侯尊煬侯成成子級級

子舊王莽敗絕又中郎將燕瑗折姦侯燕廣發楚王英反

狀

鮮卑傳安帝永初中鮮卑大夫燕荔陽詣闕朝賀鄧太后

賜燕荔王印綬是鮮卑亦有燕姓也

北齊書右僕射燕子獻字季則廣漢洛下人少時相者曰

使役在代胡富貴在齊趙其後宇文稱霸關中用為典籤後

將命使於茹茹子獻欲驗相者之言來歸齊神武見之大

說甚被待遇文宣時官至侍中開府

北魏書燕鳳代人字子章少好學博綜經史明習陰陽識

緯道或時官行臺尚書常使於符堅

周書燕榮字貴公蓼陰人從周武帝伐齊以功授開府儀同三司按榮隨時為幽州總管性嚴酷鞭撻左右常_拜數後賜死

唐書許州司兵參軍燕欽融偃師人上言韋后淫亂干預朝政宗族強盛或延秀宗楚客圖危社稷上召面詰之抗言神色不撓宗楚客矯制令飛騎撲殺之

宋史燕肅字穆之青州人進士官龍圖閣直學士性巧造指南車記里鼓及歌器蓮花漏為海潮圖著潮論二篇子

度字唐卿登第調知陳留旱蝗勸豪富出粟行保伍法善狀日聞後官諫議大夫知潭州度有心計凡六佐大農慶厯中三司請榷河北鹽度言川峽不榷酒河北不禁鹽此祖宗順民俗不易之制也

燕弗氏見官氏志

田見風俗通史記索隱姓纂

左襄七年傳韓起與田蘇游而曰好仁注田蘇晉賢人呂氏春秋宋康王染於唐鞅田不禋注唐田宋康王之二臣按荀子解蔽篇楊倞注亦作田不禋古今人表作田不

凡御覽亦同墨子作佃不凡

莊子田開之見周威公問祝腎學生

呂氏春秋周威公時有田邑按漢有田邑為上黨太守

齊策南梁之難韓氏請救於齊田侯台大臣而謀曰早救

之孰與晚救之便張弓對曰晚救之韓且折而入於魏不

如早救之田臣思曰不可夫韓魏之兵未敝而我救之是

代韓而受魏之兵顧及聽命於韓也補曰索隱云策作田

期思必別本也紀年謂之徐州子期即田忌也

按國策晉有田蘇田差宋有田丙即田景魯有田饒魏有

田子方名無擇楚有田贊趙有田基中牟人田卑燕有田

光齊有田文田需田單田過田駢田巴按魏武侯相亦有

田文漢長安中善相工田文是有三田文又齊將田巴隨

周市救魏是有二田巴

琴操伯牙師成連姓田按枚乘七發云杜連理音注杜連

即田連也

韓非子田明辜射宓子賤殘其頌

呂氏春秋墨者田鳩欲見秦惠王留秦三年而弗得見客

有言之於楚王者往見楚王楚說之與將軍之節注云田

鳩齊人學墨子術按田鳩當即田依子

史記秦末齊王建之弟假假弟僖僖子市僖弟榮榮弟橫
橫弟子廣皆稱王族破滅又田都田安田角田間亦田氏
之族又守相田光將軍田既田解田吸漢興徙關中又一
田光也

史記游俠傳楚田仲以俠聞善劍父事朱家自以為行不
及

漢書丙吉傳長安中善相工田文相韋賢邴吉魏相三人
當至丞相又魯相田叔丞相司直田仁為博士傳易又田

何字子裝一作子莊大尉田蚡丞相田千秋大鴻臚田廣

明大司農田延年

鮑永傳田邑為上黨太守馮衍先與之善邑字伯玉按東

觀記邑馮翊蓮勺人其先齊諸田父豐為王莽著威將軍
邑有大節涉學藝能善屬文為漁陽太守未道到官道病徵

還為諫議大夫病卒又按袁紹謀士有田豐此二田豐也

吳均續齊諧記田真兄田三人分財紫荆樹枯死田悲不
自勝樹即榮茂兄弟相感合財漢成帝時仕至大中大夫

顛

見姓纂

左傳晉大夫顛頡事公子重耳驪姬之難頡從重耳出亡
賢而有功卒相重耳反國文公五年公入曾令無入僖負
羈之^宮而免其族報施也頡及魏犢曰勞之不圖報於何
有藝僖負羈氏公舍魏犢而殺頡以徇於軍

牽 見姓苑路史

漢書皇甫規傳牽顛為兗州刺史規稱其清猛

魏志牽招字子經安平觀津人官右中郎將雁門太守按
孫楚碑云君與劉備少長河朔英雄同契為刎頸之交因
恐為時所忌每自酌損在乎季孟之間

魏志招子嘉次子弘猛毅有招風為隴西太守後為揚州

涼州刺史以果烈死于邊嘉子秀為平北將軍按晉書牽

季字成叔博辯有學張萼請為長史稍遷至尚書河間王

以秀為北^平將軍在馮翊遇害曾昇孟玖公帥蕃讒陸機

幽明錄牽騰以咸和三年為沛郡太守出行不節夢烏衣

人告云何數出不輟惟斷馬足騰後出行馬足自斷騰近

行鄙外忽然而闇有一人長大餘髻冠白衣遙叱將車人

使避之俄而長人至以馬鞭擊御者即倒既明從人視車

空覓騰所在行六七十步見在榛莽中隱几而坐云了不

自知騰後五十日被誅按統謚引作牽騰淵訛騰為祖約將約奔降于石勒騰率眾降于蘇峻見後趙錄

玆 集韻玆姓也諸書無此氏今補

法 見集韻此姓諸書無今補

淵 見世本姓源韻謚路史

世本齊大夫淵湫又齊大夫淵捷按世本說苑作子淵捷

氏族畧宋有淵豐仙遊人紹興中官循州司馬

四川志淵澄蓬州人弘治中任長山縣丞

澍宰銅梁時有民淵來生淵潛生本秦人也

涓

抱朴子黃帝入金谷而咨涓子心

列仙傳齊人涓子常釣於河澤得鯉魚腹中有符隱於岩

能致風雨著琴三篇按文選注引列仙傳云涓子齊人著

天地人經三十八篇知足不妄求餌术服氣齊侯招之不

至

荀子夏首之南有涓蜀梁明月而宵行俯見其影以為伏

鬼也仰視其髮以為立魅也背而走比至其家失氣而死

按梁一作良姓纂引作涓濁以為複姓非也

漢書翟方進傳司隸校尉涓勳奏劾翟方進按方進後劾涓勳遂貶勳為昌陵令冊府元龜涓勳為司隸校尉時北地浩商為義渠長所捕亡長取其母與猪假連繫都亭下商兄弟會賓客自稱司隸掾長安縣尉殺義渠長妻子六人亡丞相御史請遣掾史與司隸校尉部刺史並力逐捕察無狀者奏可勳奏言春秋之義王人微者序乎諸侯之上尊王命也臣幸得奉使以督察公卿以下為職今丞相宣請遣掾史以宰士督察天子奉使命大夫甚諄逆順之理願下中朝特進列侯將軍以下正國法度議者以為丞相

邊 掾不宜移書督趣司隸會浩商捕得伏誅家屬徙合浦見陳留風俗傳潛夫論春秋公子謹

柳浪印身公曾孫代著

左昭二十二年傳宋公以邊印為大司徒杜注印平公曾孫代等定莊十九年傳周大夫邊伯王取其宮作亂國語惠王十三年邊伯石邀出王而立子績

張湯傳邊通學短長剛暴彊人也按通官濟南相

漢書邊鳳字子章陳留人為京兆尹有能名

漢書邊韶字孝先浚儀人為陳相作老子碑

漢書邊讓字文叔浚儀人為九江太守作章華賦
王子喬碑國相東萊王章與長史邊乾樹之石記頌遺
烈

魏志邊章金城人為都督從事涼州北宮玉等反舉章身
韓遂為主劉艾靈帝紀章一名元

西涼錄參軍邊濶作涼書南涼禿髮檀輔國司馬邊憲
西秦鎮遠左長史左僕射邊芮皆金城人見十六國春秋
前趙錄劉聰使大鴻臚邊鴻賜石勒弓矢冊命為陝東伯
得專征伐

後秦錄兵部郎金城邊熙上陳軍令煩苛宜遵簡約興稱
善乃依孫吳誓眾之法以損益之

南史邊榮金城人為沈攸之留府司馬守城張敬兒克城
與客太山程邕之同見殺三軍墜泣曰奈何一日殺二義
士按榮為倉曹參軍為府錄事所辱攸之為榮鞭殺錄事
及敬兒將至或說之使降榮曰受沈公厚恩共如此大事
一朝緩急便易本心吾不能也城陷被執命斬之榮歡笑
而去

唐書宣明麻浸差太子少詹事邊岡造新麻成上之命曰

景福崇彖麻按岡昇司天少監胡秀林均州司馬王墀改
治新麻然術一出于岡用筭巧能馳騁反覆于乘除間由
是簡捷超徑等接之術興而經制遠大衰序之法廢矣雖
籌策便易然皆冥于本原
唐書上遣宦者監門將軍過令誠監高仙芝軍屯于陝後
譖高仙芝封常清皆殺之

南唐書過鎬克建州俘獲皆全號過佛子克潭州市不易
市號過菩薩為節度政無綱紀惟日設齋供盛脩佛事號
過和尚按鎬金陵人初生時母夢謝靈運來謁故小名康

樂

書史會要過或字伯京隴西人行草專學鮮于太常時有
亂者子定字文靜正書學宣昭亦稱善

縣

見路史氏族畧

史記孔子弟子縣子成字子祺按家語作子橫風俗通云
縣成父孔子門人若家語以鄭亶為縣亶則為臆造

檀弓魯莊公及宋人戰于乘丘縣賁父御卜國父右馬驚
敗績公陸佐車授綏公曰未之卜也縣賁父曰他日不敗
績而今敗績是無勇也遂死之圍人浴馬有流矢在白肉

公曰非其罪也遂誅之士之有誅自此始也

檀弓縣子瑣曰古者不降上下各以其親滕伯父為孟虎

齊衰其叔父也為孟皮齊衰其叔父也又云歲旱穆公召

縣子而問焉然

墨子墨子弟子有縣子頌按呂覽作縣子石

風俗通漢有甘陵相縣芝吳中書令縣默

乎 見世本

世本黃帝臣乎壽

宋玉釣賦宋玉與登徒子偕受釣於乎淵退而見于楚襄

王登徒子曰夫乎淵之釣也以三尋之竿八絲之綸餌以

蛆螿鉤以細針以出三尺之魚于數仞之水中

列仙傳乎俗河間人無影餌已豆雲母賣藥于都市七九

一錢治百病河間王病買服之下蛇十餘頭按作乎宿者

訛

後漢書宏渠縣佐乎賀字伯和第五倫薦於朝為太守以

清謹著終大司農按粵易國志政事大司農乎賀益部耆

舊傳賀字文和神州辟為從事舉姦摘伏邦人無怨東觀記

賀為九江太守行縣賫持乾糒但就温湯而已近刊作元

者避廟諱也

搜神記狄希中山人能造千日酒飲之亦千醉_日有州人
姓予名石飲之醉死三年後乃醒

前涼錄張瓘麾下予臚刺宋混不能穿甲混禽之混後謂
予臚曰卿刺我幸而不傷今我輔政卿其懼乎臚曰臚受
瓘恩此時惟恨刺節下不深耳竊無所懼混義之

符子符子與予子登太山下臨千仞之澗上蔭百尺之松
蕭蕭然神王一丘矣

水經注義熙五年劉忒帝伐慕容超於廣固以藉險難攻
兵力勞弊河間人予文說裕云昔趙攻曹疑望氣者以為
澠水帶城非可攻拔若塞五龍口城必當陷石虎從之疑
請降後五日大雨雷電震開後慕容恪攻圍段龕十旬不
拔塞城而龕降降後無幾又震開今舊基猶存宜加脩築
裕從其言塞之超及城內男女悉病脚弱按予文為司馬
德宗之廣武將軍見魏書

南齊書魏梁郡王嘉圍朐山朐山戍主予元度嬰城固守
大破魏師

後魏書文成帝夫人姓予氏

氏族畧予滋紹興十一年知廣州軍事

氏姓謚予端遷安人天順貢士任知縣予寧順天人嘉靖

間任江西金谿縣丞

予都氏見風俗通

北齊書河間王孝琬傳孝琬得佛牙置于第內夜有神光

照室予都法順請以奏聞不從帝聞使搜之得鎮庫稍幡

數百帝聞之以為反

予虞氏見氏族畧

氏族畧唐時校尉予氏舒歲

鮮 見風俗通鮮于血脈謚

英賢傳漢鮮遂著太乙保生論一卷

驚易國志蜀漢末有鮮尼

博物志魏時方士鮮奴辜按一作解奴辜

後蜀錄李壽司空鮮思明勸壽稱藩于晉按辯證於蟹字

韻引云解思明他書亦有作解思明者

氏族畧宋登科有鮮洪範開封人熙寧有鮮符戎州人登

科鮮大年灌縣人合綿竹公恕存心不為豪猾所攬鮮仲

文乾道進士大通人

甘肅志鮮原馬湖府人永樂初以國子生擢階州知州奉
公守法勸民生理有善政後升山東都轉鹽運使

山東志鮮延年栖霞人知順慶府廉靜寡欲事神治民一
出於誠

四川志鮮宏閬中人醫學正科天順七年冠南^掠部府檄
宏率民兵禦之遇賊奮擊死按宏為宏治十八年乙酉科
進士鮮冕巴縣人官御史鮮卓營山舉人塾江教諭成化
十三年丁酉舉人鮮榮灌縣人成化十六年庚子科舉人
鮮廉宜賓人正德二年丁卯科舉人鮮瑚巴縣人官瑞安

縣知縣國朝康熙五十二年癸巳科舉人鮮冕新繁人
乾隆二十七年壬午科舉人鮮學文射洪人乾隆四十八
年癸卯科舉人鮮大庚順慶府人更名崇庚乾隆五十四
年己酉科舉人鮮崇庠營山人

鮮于氏見顏真卿鮮于太保碑

漢律麻志漢有鮮于安人善星律

第五倫傳郡戶鮮于哀見倫異之署為吏後哀坐事左遷
高堂令臨去握倫臂訣曰恨相知晚數年哀又薦倫於京
兆尹閻典與台倫為主簿按陰典傳典與上谷鮮于哀不

相好知其有用猶稱所長而達之哀蒲侯反他書或作褒
字形相似而易

水經注鮮于冀西河人先或時為清河太守作公廨未就
而亡後守趙高計功二百萬五官黃秉功曹劉適言四百
萬冀乃鬼見與高及秉等共校後乃書表自理因驛上之
魏志劉虞從事鮮于輔殺鄒丹領漁陽太守田疇勸歸曹
操建忠將軍都督幽州六郡後為度遼將軍又劉虞從事
鮮于銀同田疇奉使長安

魏志景初中明帝遣樂浪太守鮮于嗣越海定帶方樂浪

二郡

萼陽國志晉巴西太守吳靜撫卹失和軍司鮮于嬰表徵
靜還嬰代之泰始六年以益州大分南中四郡為寧州嬰
為刺史嬰又為東夸校尉又云鮮于定為蜀郡太守
晉書范陽太守鮮于嗣舉張萼為太常博士是有二鮮于
嗣也

十六國春秋慕容皝營丘內史鮮于屈遣使降趙或寧命
孫興收屈數其罪殺之又段遼石季龍將軍鮮于亮范陽
人為慕容恪所獲伐高句麗之役亮先登陷陳遷揚威將

軍石勒主簿鮮于豐翟真司馬鮮于乞殺真及諸翟自立
趙為趙王營人共殺乞又翟成長史鮮于得斬成降于慕容

塋

南齊書鮮于文宗漁陽人年七歲喪父父以種芋時止至
明年芋時對芋嗚咽如此終身

南齊書鮮于世榮漁陽人父寶榮懷朔鎮將或平時贈儀
同三司世榮沈敏有器幹典和三年為神武親信副都督
稍遷平西將軍後官領軍大將軍為周武所殺子子真或
平末假儀同三司

魏書鮮于靈馥漁陽人聚族教授鬱陰徐遵明亦講學於
趙魏之間而聲未高著錄尚寡遵明弟子李業興詣明馥
問左傳大義數條靈馥不能對於是生徒傾學而就遵明
魏書孝昌二年五原降戶鮮于修胤反于定州之左城改
元魯興尋為葛榮所殺

北齊書使大將軍鮮于桃枝收斛律羨

范亨燕書鮮于休有才器枝幹辟為左光祿大夫曹屬

周書直閭將軍鮮于康仁忠亮鯁驍傑爪牙斯在高歡收
而戮之

齊書奉朝請鮮于文榮密探上旨告王晏有異志
齊周書主先以馬腦鍾遺將軍鮮于世榮世榮碎之至是
在三臺前鳴鼓不撤周人執之世榮不屈乃殺之
梁書武帝時鄱陽人鮮于琛聚眾作亂改元上願鄱陽內
史陸襄討禽之

隋書虎賁中郎將鮮于俱為護纜使

唐書天寶進士鮮于仲通名向弟叔明字晉均新政人為
劍南節度使按乾牒子云鮮于叔明好食臭蟲時人謂之
蟞蟲

仙傳拾遺鮮于弁與穆質謁眇道士戒以勿食羊食

唐吐谷渾傳左驍衛將軍鮮于匡濟迎公主匡濟弟匡紹
為閬同河利四川刺史按舊書高宗紀吐蕃贊普死遣右
武衛將軍鮮于匡濟齎書往弔祭

四川志鮮于紹南部人儀鳳中為同州刺史宋咸平三年
庚子科進士鮮于端夫南部人景祐元年甲戌科進士鮮
于侁閬中人元祐三年戊辰科進士鮮于翔渠縣人宣和
中進士鮮于拳南部人紹興中進士鮮于逢順慶人乾道
中進士鮮于造鮮于輝俱順慶人淳熙中進士鮮于受大

足人鮮于卓順慶人紹熙元年庚戌科進士鮮于季寅遂
寧人紹熙四年癸丑科進士鮮于鈞遂寧人特奏名嘉定
十三年庚辰科進士鮮于應庚遂寧人紹定五年壬辰科
進士鮮于應文遂寧人季寅子寶祐元年癸丑科進士鮮
于應昌遂寧人應文子

元史鮮于樞字伯機漁陽人號困學民官太常典簿作字
竒態橫生所著詩文名困學齋集子去矜孫端皆以能書
名按研莊雜記伯機嘗于廢圃中得怪松一株移置所居
齋前呼為支離叟

鮮陽氏見英賢傳

英賢傳漢有揚州刺史鮮陽戩按戩姓纂作進又云其孫
滔散騎常侍一作或騎常侍

鮮虞氏見漢書續志姓纂

鮮卑氏此姓諸書無今補

元史

仲吉中山人歲乙亥國兵定中原

首率平

灤路軍民詣軍門降太祖命為灤州節度使從阿木魯南
征充右副元帥攻取信安關州諸城以功賜虎符授河北
等路漢軍兵馬都元帥平蔡有功加金吾衛上將軍興平

路都元帥開國侯子準充管軍千戶從札台火兒赤征高麗賜金符歷昭武大將軍子誠襲授懷遠大將軍子忽篤土襲

錢 見姓謹

姓纂戰國時有隱士錢丹秦御史大夫錢產居下邳西京雜記朱買臣為會稽太守懷章綬至金亭而國人未知也所知人錢勃乃勞之曰得毋罷乎遺以紈扇買臣至郡引為上客尋遷為掾史

吉成侯州輔碑陰故廩犧令章陵錢訢禮公

姓謹漢哀平間錢襄一作遜為廣陵太守避王莽亂徙居烏

程生晟按長興縣志錢讓為漢征東大將軍而錢氏舊謹江載江九寇周生范容擾徐揚詔拜讓為廣陵太守征東大

將軍都督江左六軍事而氏族畧說亦同作錢遜蓋遜讓即一人疑仲漁遜濮安懿王諱改之

又錢林字元茂本徐州人漢建平中為諫議大夫元始中王莽專政遂棄爵來長興隱陂門里不干名利子孫遂家焉東晉青州刺史錢端歷陽太守曾為陳敏大將又錢鳳字世儀所謂精神滿腹者裔孫樂之宋太府一作史令居長

城故望又出吳興

吳志高涼賊^帥錢博乞降呂岱承制以博為高涼西部都

尉

晉書臨海公主為人所畧傳賣吳興錢溫溫以與女女遇
主甚酷

晉書陳昶司馬錢廣周玘同郡人玘密使廣殺昶宣言州
下已殺敏敢動者誅三族廣勒兵朱雀橋南

晉書太傅越徵建威將軍吳興錢璿及揚州刺史王敦璿
謀殺敦以反敦奔建業璿遂反周玘糾合鄉里昇郭逸共

討璿斬之

宋書詔太史令錢樂之更鑄渾儀徑六尺八分以水轉之
昏明中星昇天相應

唐書楊文幹舉兵反上遣左武衛將軍錢九隴昇靈州都
督楊師道擊之按九隴官左監門衛大將軍

宋史吳越錢氏鏐鐸鉢銘鏢惟成肅為國王子元瓘孫宏
佐侖俶至俶歸宋

然 見世本姓苑

鬻子禹臣有然子堪

左昭公十四年傳楚子使然丹簡上國之兵于崇丘養老
疾收介特昭四年傳然丹城州來按杜注然丹鄭穆公孫
襄十九年奔楚

孟子滕世子傳然友

萼易國志然溫江州人仕為度遼將軍守桂陽長治民能得
其心亦見巴耆舊傳

巴郡太守張納功德叙碑陰行丞事從掾位江州然存字
元文賦曹史江州然雄按又古終字

太平廣記引渝州圖經云仙池山在江津縣界有仙人姓
然名獨角以頭有角故表其名自揚州來居此池邊起樓
積香草置樓下命僕燒其樓獨角飛去

全史然逸期字守約涇陽人至驪山遇真子默有所契後
游商顏卜築三陽草庵十餘年西游太白迎祥觀有持紙
求翰墨者詞色頗倨書二詩付之歸披讀無一字後再讀
墨跡儼然節度使曳刺金紫在鄧病篤夢異人飲以法水
寤而愈既見之即夢所遇之異人後端坐而蛻

氏姓謚然昌蔚州人宣德中任遼東衛經歷

延 見路史

漢書延篤字叔堅南陽犍人為京兆戶少從堂谿典受左氏傳又從馬融受學

漢書公孫述將延岑字叔牙先自稱成安王於漢中後降漢

按宗俱碑陰門生名有陸渾延祥字漢序又陸渾延缺字季子

馮魴傳邾賊延褒等三千餘人攻圍縣舍破之光武至延自鬻別負鉄質降詔以褒還魴誅之魴赦褒令作耳目盜賊清淨按續漢書作延褒

曹騰傳南陽延固為騰所舉按固一作周

北周王妙暉等造像記有邑主延婁獠婁即蠻字

姓氏謚宋延松年淳熙九年任蕪湖令延璽隆興間知象山縣元有延承直皇慶元年任武江縣令建儒林書院於城步砦學錄趙長翁為之記

姓氏謚明有延鶴有得月樓記延祥大興人洪武中任河東運使有善政遷戶部侍郎延應翁樂安人萬厯間任孝義縣典史有治行

陝西志延茂韓城人永樂中任御史延瑁韓城人給事中

永樂六年撫安四川

山西志延定之字主靜平定人由舉人成化間任知州為政聰決有紀律豪猾肅然延尚陽曲人宏治中任知縣縉紳錄嘉慶時有陽城延青雲任保定府司獄又浙江湖州府長興縣知縣延君壽字荔浦山西陽城人監生延止氏見高誘注

呂氏春秋趙簡子謀臣延止玉按今呂氏春秋作延陵玉韓非子作延陵生生一作正

延州氏見姓纂氏族畧

延陵氏見氏族畧

韓子延陵卓子乘蒼龍桃文乘鈞錦在前錯鍍在後馬欲進則鈞錦禁之欲退則錯鍍貫之馬因旁出造父過之而為之泣按一作鉛陵卓子

游俠傳近世延陵孟嘗春申平原信陵之徒裴駟按韓非子趙襄子名延陵生令車騎先至晉陽簡子時趙已并代可有延陵之號但未詳是此人非耳

史記趙延陵鈞率師從相國信平君助魏攻燕

漢成內傳青童小君太上中黃道君之師真元始十天王

入室弟子也姓延陵名陽字庇萼形有嬰孩之兒故仙官以青真小童為號

宋書謝晦兵敗而走惟延陵蓋追隨不捨文帝以為鎮軍功曹都護

北齊西門豹祠堂碑陰有錄事延陵仲字缺二龍

唐書楊行密遣和州將延陵宗以其眾二千人歸和州

延陀氏見唐書諸書無此姓今補

唐書以左武侯將軍延陀梯真等為冷岍道行軍總管以討叛奚

旃

旃見姓苑

姓氏謚旃英雲南趙州人宣德中貢士任教諭

縉紳錄雲南鎮安州學正旃易旌臨安舉人在嘉慶時

纏

見姓苑

漢書藝文志有纏子著書按論衡儒家之徒董無心墨家之役纏子相見講道纏子稱墨家佑鬼神是引秦穆公有明德上帝賜之九十年董子難以堯舜不賜年桀紂不夭死

杆

見漢書趙充國傳註

涑水紀聞凡賓使并贊坐事出為洪州都指揮使會赦有
薦其材勇前所坐薄可收使詔除御前忠佐將兵戍邕州
贊欲邀奇功深入其境兵敗為儂智高所禽恐智高殺之
紿言我來非戰也朝廷遣我招安汝耳不期部下人不相
知誤相并鬪遂至於此因諭以禍福智高喜以為然遣其
黨數十人隨贊至邕州不敢復求刺史但乞通貢朝廷邕
州言狀朝廷以贊妄入其境取敗為賊所禽又欲脫死妄
許其朝貢為國生事罷之黜為全州都指揮使按鄭漁仲
作可贊訛

正字通宋有四川漕使并度按晁公或讀書志序言得南
陽公書五十篋陳振孫曰南陽公未知何人或云并度憲
孟也是并度字憲孟矣

連

見氏族畧

左傳八年傳齊侯使連稱管至父戍葵丘瓜時而往曰及
瓜而代及期公問不至謀作亂稱有從妹在公宮無寵使
間公

莊子連叔謂肩吾子曰夫瞽者不知文章之觀

姓謚漢有連父道字可父江南得道之士

吳太安寺鐵爐款識有連道成

氏族畧隨大業時金山令連奚明

唐書連總咸通中及第以賦筆典麗為溫庭筠所稱總字會川閩縣人

唐藝文志連肩吾著金英玉髓經二十卷

五代史閩連重遇光山人為閩門控鶴使按重遇并朱文

~~進~~^主祖懼國人之討相與結昏以自固後又使錢連弒

曦推文進為主文進以重遇總六軍胡三省曰重遇之先

蓋昇王潮兄弟同入閩

氏族畧連庶字居錫應山人為壽春令開田千頃一縣大

治歐陽修常薦其學行

明史連楹襄垣人為御史初金川門之啟楹叩馬欲刺成

祖被殺尸植立不仆又連均字士平福建人永樂進士授

御史歷江南布政使所至有聲績歷官四十年產業未嘗

有增益人稱其廉

湖南志連達饒平舉人知祁陽縣清以自持仁以畜眾

陝西志連俊邠州人剛毅果斷鉏強扶善田圯於海而民

多償租乃奏免之宣德癸丑蝗請以菽麥待秋賦軍不乏

給

分省人物考連鑛字伯金號白白更號明山永年人文追
先秦詩步盛唐字法端勁如其為人嘉靖丙戌進士選庶
吉士仕至都察院右副都御史

永年縣志連盛永年人成化進士任御史性剛介方正貴
族斂手忤劉瑾竄南海

通州志連儒潞安人正德時任通州學正

題名錄連智連均皆建安縣人永樂乙未進士連元潞城
縣人崇禎甲戌進士連鑛永平人嘉靖丙戌進士按鑛任

巡茶御史

江南志連璧山東人崇禎時任泰興知縣

縉紳錄乾隆間有連叔吳人為教職連彭年上虞人嘉慶
時官嘉定府通判

連尸氏見姓纂

定四年傳費無極楚之讒人也民莫不知去朝吳出蔡侯
朱喪太子建殺連尸奢屏王之耳目使不聰明

篇 見廣韻

姓韻卷二十八

一先下

扁 此姓諸書無今補

史記輝渠悼侯扁訾匈奴降王武帝元狩三年封無子除
偏 見急就章路史

漢祭彤傳注偏何徼外人為鮮卑都護祭彤為偏何請還
自効以驗為屬偏何斬匈奴首級受賞賜亦見鮮卑傳
急就章有偏呂張按胡三省引作偏足何

成威張

澍篋

